

Katu Mapising Mapistaqu

Maaq dau ka mailantangus bunun a, masamu qalmang ihaan madadaingaz siin duma bunun tu tanangaus labanasqat babazbaz. Nii dau amin maqtu tusmuav babazbaz. Aupa na ansumal i madadaingaz, na pingkaz'av i duma bunun, na ka'amak amin minkaz'av. Maaq dau ka asu una maibunun dau, maqtu pababazbaz i mita bunun. Aupa tis'uni tu mastaan aingkun tu makuniv tu tapungulus. Isbazbaz amin a qalinga, uka'an i kaiz'avan haan mita bunun, uka'an i sinisnisan ihaan bunun tu tanangaus, kulutun qana bunun inaita ma'ma ka a, niin aingka maqtu pababazbaz mita bunun saulaupakadau.

Tupa dau ka madadaingaz tu: "Maaq a bunun i silalaluan bazbaz a, amin tu mapusaksak a, na minmaza'za' dau. Aupa minputuq dau inaita ka ma'maa. Paqpun asa dau tu mananulu bazbaz, nii dau ka qalinga qalmangun isbazbaz ispatan'a ki duma bunun. Kaupa dau sia na is'pinsihal i bunun tu qalinga siin na ispintamasaz i bunun tu qalingaa maqtu isbazbaz."

Qabasang a, maaq dau ka minudaanin tu bununa a, anatupa tu matazin aingka, malmaluskunang dau aingka mita miqumisang tu bunun. Muqa dau

tu maaq a matazin tu bununa a, ihaan dau aingka patsabungan mal'uu tu tastubuan. Tastubuanin a, musuqais aingka munhaan mailumaq intaa taluskun i inaita tastulumaq miqumis tu taltium. Aupa talmadiain aingka nitu minaun i qaising a, maaq i panalumaqin a, kaipangkaipang aingka kikilim i nakaunun intaa. Amuqis pavaian qana tastulumaq a kakaunun, Mapising dau ka tastulumaq bunun bazbaz. Muqa dau aingka mitsauqzang. Aupa pavai'anin i qaising. Mahau dau ka pinilumaqa, tupa dau ka pinilumaqa tu: "Ka'in amu muqna minsuma mulumaq ti, aupa musqa amu mapin'uka kakaunun naam." Minkaz'av dau ka minudaanin tu bununa tan'a, matingsakun amin aingka maisnadiip mudaan, munsuqais munhaan patsabungan ta. Paisnatudiip aingka niin mususuqis mulumaq saulaupakadau. Tis'uni tu maaq a pinilumaqa nitu mapising bazbaz intaa a, paiskatudiipin aingka niin pavai'an i qaising.

(文章大意 僅供參考) ※字數限 200 字

勇於表達

長輩們說：「假若人說謊話，特別會欺騙，他們會變成短舌頭，說起話來就好像羊的叫聲一樣。所以說話必須要謹慎，話不可以隨便說給別人聽。只有那些使人心有益處的話，以及鼓勵別人的話才可以說出來。」

從前，亡故了的人，仍然和活著的人住在一起，那些死了太久沒有吃飯，翻箱倒櫃地找東西吃，任家人們挨餓消瘦。媳婦生氣了，那些死了的人聽了羞愧萬分，各自收拾家當地離開了，回到他們的住處。從那時候起，他們再也沒有回家來了。